

आकाशवाणी

खबरां ---

1 महाराष्ट्र च इक बारी परतियै महायुति दी सरकार बनी, देवेंद्र फडनवीस होरें मुक्खमंत्री ते एकनाथ शिंदे ते अजीत पवार होरें बतौर उपमुक्खमंत्री संगंध चुक्की।

2 भारत ते भूान नै आपसी रिश्तें गी मजबूती देने ते अपनी अनूठी ते षिकाऊ भागीदारी बनाई रखने दा प्रण पाया। भूान नरेश दऊं दिनें दे दौर पर अज्ज नमीं दिल्ली पुज्जे न।

3 भारतीय अंतरिक्ष अनुसंधान संगठन-इसरो नै अज्ज श्री हरिकोपा दे सतीश धवन अंतरिक्ष केंद्र थमां प्रोबा-3 उपग्रह गी लेई जाने आहले PSLV-2-59 प्रक्षेपण यान दा कामयाब प्रक्षेपण कीता।

4 विरोधी धड़ें आसेआ पाई गेदी डंड रौली दे चलदे लोकसभा दी कार्रवाई अज्ज दिन भरै लेई स्थगित करनी पेई।

5 कन्नू मंत्री अर्जुन राम मेघवाल होरें आखेआ ऐ जे सरकार डॉ. भीम राव अम्बेडकर हुंदे सिद्धांतें-असूलें दी रक्षा लेई बचनबद्ध ऐ।

6 विदेश मंत्री डॉ. एस जयशंकर होंरें आखेआ ऐ जे भारत होरनें अर्थ बवस्थाएं लेई छड़ा इक्क बड्डे उपभोक्ता बजार करियै गै नेई, अपनी छमताएं कारण बी सब्भनें दे आकर्षण दा केंद्र ऐ।

7 महिला क्रिकेट च भारत नै आस्ट्रेलिया बश्कार मजूदा श्रृंखला दे पैहले इक रोजा मैच च आस्ट्रेलिया नै भारत गी 5 विकेट कन्नै हराई दिता।

<><><><><><>

Maharashtra-Govt

भारतीय जनता पार्टी दे नेता देवेन्द्र फडणवीस होंरें महाराष्ट्र दे मुखमंत्री दे औहदे दी अज्ज सगंध चुक्की। उंदी सरकार च शिवसेना दे एकनाथ शिंदे ते एनसीपी दे अजीत पवार होंरें बतौर उपमुखमंत्री दे औहदे ते राजदारी दी सगंध चुक्की। एह त्रीस बारी ऐ जदूं देवेन्द्र फडणवीस महाराष्ट्र दे मुखमंत्री बने। शपथ ग्रहण समारोह च प्रधानमंत्री नरेन्द्र मोदी, गृहमंत्री अमित शाह, रक्षा मंत्री राजनाथ सिंह, बीजेपी दे राष्ट्रीय अध्यक्ष जे.पी नड्डा ते होर कई बड्डे लीडरें सने कोई 42 जहार लोक शामिल होए।

<><><><><><>

ISRO-PSLV

भारतीय अंतरिक्ष अनुसंधान संगठन इसरो नै श्री हरिकोण्डे सतीश धवन अंतरिक्ष केंद्र थमां प्रोबा-3 अंतरिक्ष यान गी लेइयै जा'रदा PSLV C-59 दा सफलता नै प्रक्षेपण करी दिता। इसी श्रीहरिकोण्डे रेंज दे स्पेस पोर्ट दे पैहले लांच पैड थमां 4 बज्जियै 4 मिंठें पर प्रक्षेपित कीता गेआ। प्रक्षेपण दे बाद इसरो नै सोशल मीडिया प्लेफार्म एक्स उपपर जानकारी सांझा कीती जे PSLV C-59 गी गासै च सफलता नै प्रक्षेपित कीता गेआ जेड़ा जे इसरो दी तकनीकी विशेषज्ञता कन्नै न्यू स्पेस इंडिया लिमिटेड दे नेतृत्व च इक वैश्विक मिशन दी शुरुआत दे बारे दस्सदा ऐ जेड़ा जे यूरोपीय अंतरिक्ष एजेंसी दे ग्राउंड ब्रेकिंग प्रोबा-3 उपग्रहें गी तैनात करोग। प्रोबा-3 च 2 अंतरिक्ष यान शामिल न। मिशन सटीक उपग्रह स्थिति फार्मेशन फ्लाइंग ते होरनें नमियें तकनीकें दा प्रदर्शन करोग।

<><><><><><>

Prez. Farmers

राष्ट्रपति द्रौपदी मुर्मू होरें अज्ज राई-बाई वैज्ञानिकें ते करसानें गी कुदरती कुपरापियें, जलवायु परिवर्तन ते कुदरती संसाधनें दे दुरुपयोग जनेई चुनौतिएं थमां बचाने लेई अज्जै-कल्लै दे स्हाबै नमियां येजनां

बनाने दा आह्वान कीता। उनें आखेआ जे राई-बाई ते करसानी दे खेतर च करसाने गी सशक्त बनाने लेई अज्जै-कल्लै दे स्हाबै दी ड्रोन टेक्नॉलाजी, रिमोट सेंसिंग, मसनुई ज्ञान ते नैनो टेक्नॉलाजी दा इस्तेमाल करना लोइचदा ऐ। अज्ज बड्डलै भुवनेश्वर च ओडिशा राई-बाई ते टेक्नॉलाजी यूनिवर्सिटी दे 40में दीक्षांत समारोह गी संबोधित करदे होई राष्ट्रपति द्रौपदी मुर्मू हों आखेआ जे कृषि वैज्ञानिके गी देश लेई नमियां योजनां बनांदे बेल्लै धरते दी सेहत, पर्यावरण, धरतै दे संरक्षण ते कुदरती संसाधनें दे स्हेई इस्तेमाल पर ध्यान देना लोइचदा ऐ। उनें आखेआ जे भारत नै पिछले किश दहाके च कृषि दे खेतर च जबरदस्त विकास बाद्दा हासल कीता ऐ ते होरनें मुख्ये गी अन्न-दाना ते कृषि उपकरण निर्यात करा'रदा ऐ। राष्ट्रपति हों आखेआ जे राई-बाई ते करसाने दी बेहतरी कन्ने गै देश 2047 तोड़ी विकसित राष्ट्र बनने दा लक्ष्य हासल करी सकोग।

<><><><><><><>

Putin India

रूस दे राष्ट्रपति व्लादिमीर पुतिन हों भारत च लौहके ते दरम्यान उद्यमे दी स्थिति बेहतर बनाने लेई प्रधानमंत्री नरेन्द्र मोदी हुंदे नेतृत्व आहली सरकार दी सराहना कीती ऐ। मास्को च इक निवेश मंच गी

संबोधित करदे होई उनें रूस दे आयात विकल्प कार्यक्रम कन्नै एहदी बरोबरी दस्सदे हेई भारती दी आर्थिक पैहल, ँकोहदा करियै मेक इन इंडिया पैहल दी मती सराहना कीती।

<><><><><><>

LS-Adjourned

लोकसभा च भारतीय जनता पार्टी दे सांसद निशीकांत दुबे हुंदे आसेआ कांग्रेस दे वरिष्ठ नेताएं खलाफ आरोप ते संभल हिंसा दे मुद्दे पर बरोधी धडें दे हंगामे दे बाद सदन दी कार्यवाई दिन भरै लेई स्थगित करी दिती गई। पैहले स्थगन दे बाद जिसले सदन दी कार्यवाई फही शुरू होई ते रेल मंत्री अश्विनी वैशणव होरें रेलवे संशोधन बिल 2024 दे बारे परता देने दी कोशश कीती। मगरा बरोधी धडें दे सांसदें डंड रौली जारी रक्खी जिस करी सदन दी कार्यवाई दिन भरै लेई स्थगित करनी पेई। शून्य काल दौरान श्री दुबे होरें जिसले इक फ्रांसीसी पत्रिका दी रिपोर्ट दा हवाला दिंदे होई आखेआ जे इस चाल्ली दियां ताकतां देश दी आर्थिक स्थिति थमां लोकें दा ध्यान भक्काने दी कोशिश करारदी ऐ। उनें आरोप लाया जे राहुल गांधी ते प्रियंका गांधी सने कांग्रेस ते होरनें किश बरोधी नेता सोशल मीडिया पर इस चाल्ली दी खबर फैला रदे न। इक प्रमुख बपारिक समूह खलाफ कथित रिश्वत

मामले ते संभल हिंसा गी लेइयै कांग्रेस, डी.एम.के ते होरनें दले सदन
च हंगामा शुरू करी दिता। शोर-शराब जारी रौहने पर लोकसभा
अध्यक्ष होरें सदन दी कार्रवाई 2 बजे तोड़ी स्थगित करी दिती।

<><><><><><><>

Naidu-Airports

सिविल हवाबाजी सरबंधी मंत्री के. राम मोहन नायडू होरें आखेआ ऐ
जे मुख्य भरै च 157 ब्हाई अड्डे चालू न। उनें आखेआ जे 2014 च
छडे 74 ब्हाई अड्डे चालू हे। अज्ज लोकसभा च जिमनी सौआले दे
परते च श्री नायडू होरें आखेआ जे प्रधानमंत्री नरेंद्र मोदी हुंदी अगुवाई
च सरकार नै मुख्य भरै च ब्हाई अड्डें दे नेटवर्क दा विस्तार कीता
ऐ। उनें आखेआ जे 'उड़े देश का आम नागरिक' उडान योजना सिविल
हवाबाजी आहले क्षेत्र आस्तै क्रांतिकारी योजना रेई ऐ। मंत्री होरें
आखेआ जे भारत दा घरेलू हवाई यातायात इक गै दिनै च 5 लक्ख
थवां मते यात्रिउएं गी हवाई रस्ते राएं यात्रा करोआने दे रिकार्ड सतह
तर पुज्जी गेआ ऐ।

<><><><><><><>

Startup Textile

सरकार नै अज्ज तकनीकी कपड़े दे क्षेत्र च 2 स्मार्ट अप गी मंजूरी देई दिती ऐ। तकनीकी कपड़े च महत्वकांक्षी नमियां काहडां कड्डने आहले लेई अनुसंधान ते उद्यमता लेई अनुदान ग्रेण ना दी योजना दे तैहत लगभग 50 लकख रपे दी माली सहायता दिती जाग। मंजूरी हासल स्मार्ट अप परियोजनाएं षिकाऊ कपड़े ते चिकित्सा कपड़े दे प्रमुख रणनीतिक क्षेत्रें पर केंद्रित ऐ।



Meghwal-Ambedkar

कन्नू ते न्यास मंत्री अर्जुन राम मेघवाल होरें आखेआ जे केंद्र सरकार दूददर्शी नेता बाबा साहेब अम्बेडकर हुंदे मूल्लें कदरें दी राक्खी लेई पूरी चाल्ली बचने बज्झी दी ऐ ते दबोए लतड़ोए दे तबकें दी भलाई बेहतरी लेई कम्म करा 'रदी ऐ। नमीं दिल्ली च इक प्रेस कांफ्रेंस गी संबोधित करदे होई श्री मेघवाल होरें आखेआ जे योजनाएं ते पैहले राएं जियां जे 2017 च नमीं दिल्ली च डॉ. अम्बेडकर अंतरराश्ट्री केंद्र बनाना शामिल ऐ ते सरकार बाबा साहब हुंदा योगदान ते आदर्श गी विश्व गी दस्सा'रदी ऐ। उनें आखेआ जे बी.आर अम्बेडकर हुंदियें रिपोर्टें दी मदद कन्नै माली आयोग खडेरने च मदद थहोई ही।

<><><><><><>

France-Govt

फ्रांस दे प्रधानमंत्री मिशेल बार्नियर हुंदे खलाफ संसद च अविश्वास प्रस्ताव दे पास होई जाने दे बाद अकलियत च आई जाने कारण सरकार ढेई पेई ऐ। वामपंथी न्यू पापुलर फ्रं गठबंधन ते दक्खन पंथी नेशनल रैली दे 331 सांसदें संसद च अविश्वास प्रस्ताव दा समर्थन कीता। मतदान कोला पैहले प्रधानमंत्री होरें राष्ट्र गी संबोधित करदे हेई उनें आखेआ जे नागरिकें दी शान कन्नै सेवा करना उंदे लेई मानै आहली गल्ल ही। ओह शड़े 2 महीने ते 29 दिन इस औहदे पर रेह।

<><><><><><>

MEA-Bharat

विदेश मंत्री डॉ. एस. जयशंकर होरें आखेआ जे भारत होरनें अर्थ बवस्थाएं लेई छड़ा इक उपभोक्ता सरबंधी बपारिक बजार गै नेई बनना चांदा। नमीं दिल्ली च Bharat @ 100 शिखर सम्मेलन च fuelling Bharat's Global Rise दे विशे पर बोलदे होई डॉ. एस जयशंकर होरें आखेआ जे वैश्विक समूह ते उद्योग भारत बक्खी औहदे बपारिक बजार आस्तै गै नेई बल्कि प्रतिभा आस्तै बी इत बक्खी औंदे न। चीन उप्पर बोलदे होई मंत्री होरें आखेआ जे भारत चीन कन्नै बेहतर बपारिक रिश्ते चाहंदा ऐ, मगरा औहदे पर निर्भर

नेई रौहना चाहंदा ऐ। रूस थमां आयात उप्पर बोलदे होई मंत्री होरें
आखेआ जे यूरोपी देश विश्वास योग भ्याल न जिंदे च आस्ट्रेलिया,
ब्राजील ते इंडोनेशिया बी शामिल ऐ ते इंदे कश कुदरती संसाधन न।
उनें रूस कन्नै बपार उप्पर आखेआ जे पिछले किश बरें बपार गी
लेइए पच्छम थमां ध्यान किश हपी गोआ ऐ ते भारत दवाइयें, समुंदर
ते राई-बाई जनेए खेतर गितै रूस कन्नै अगगे बदना चाहंदा ऐ।

<><><><><><>

Women Cricket

महिला क्रिके च त्रै मैचें दी श्रृंखला दे पैहले इक दिवसीय मैच च
आस्ट्रेलिया नै भारत गी 5 विक कन्नै हराई दिता ऐ। 101 रन दा
लक्ष्य आस्ट्रेलिया नै 16 ओवर ते 2 गेंदें च हासिल करी लैता।
आस्ट्रेलिया दी जॉर्जिया वोल नै नाबाद 46 रन बनाए। पैहले
बल्लेबाजी करने गी उतरी दी भारती टीम 34 ओवर ते 2 गेंदें च 100
रन बनाइए ऑल आउट होई गई। भारत दी जेमिमा रोड्रिग्स नै 23
रन बनाए। श्रृंखला दा दुआ मैच 8 दिसंबर गी ब्रिसबेन च खेइडेआ
जाग।

<><><><><><>

Junior-Asia Cup Hockey

भारत नै मर्दे दा जूनियर हॉकी एशिया कप जिती लैता ऐ। ओमान दे मस्क च खेड़े गेदे फाइनल च भारत नै चिर प्रतिद्वंदी पाकिस्तान गी त्रे दे मुकाबले 5 गोल कन्नै हराया। इस जित कन्नै गै भारत नै एह प्रतियोगिता 5मीं बारी अपने नांस कीती ऐ। एहदे थ्वां पैहले भारत नै 2004, 2008, 2015 ते 2023 च एह प्रतियोगिता जिती ही। भारत दी तरफा अरीजीत सिंह हुंदल नै 4 गोल कीते ते जित दे नायक रेय जिसले कि दिलराज सिंह नै इक गोल कीता। प्रधानमंत्री नरेंद्र मोदी होरें जूनियर एशिया कप 2024 दा खिताब जितने पर मर्दे दी जूनियर हॉकी टीम गी बदाई दिती ऐ। प्रधानमंत्री होरें युवा खडारिएं गी शुभकामनां दितियां।



Vaishnav-Trophy

रेल मंत्री अश्विनी वैशणव होरें अज्ज नमीं दिल्ली रेलवे स्पेशल परिसर च नमी बनाए गेदी सड़क ते रेल गड्डी दा निरीक्षण कीता। इस मौके संवाददाताएं कन्नै गल्ल करदे होई उनें आखेआ जे एह रोड सी.एम रेल व्हीकल रेल मशीनरी मोडर ट्राली सुविधा दे आधुनिकीकरण पर रेलवे कर्मचारिएं कन्नै सलाह सूत्र करने दे बाद बनाई गई ऐ। उनें

दस्सेआ जे रेल प०री दे रख-रखाव लेई इस्तेमाल होने आहली पैहली मो०र ट्रॉली सुविधा केई दहाके परानी ही जेदी थाहर हुन एह रोड कम रेल व्हीकल लैग।

<><><><><><>

Poonch-Ambush

पुंछ जिले आहली कब्जा रेखा कन्नै लगदे इलाके च सेना दे इक दल आसेआ संदिग्ध नकलो हरकत दिक्खी गई। बलें बगेयाल दर्रा कश किश शूबे आहली हरकत दिक्खी ते किश रौंद दागे। सुरक्षाबलें घेराबंदी गी होर बी तगड़ा करी दिता। अधिकारी मूजब तपाशी अभियान वीरवारें शुरू कीता गेआ। खीरी खबरां थहोने तगर अभियान जारी ही।

<><><><><><>

Security-Forces

सुरक्षाबलें कुलगाम जिले दे काजीगुंड थां आतंवादिएं दे 2 सहायके गी गिरफ्तार कीता ऐ ते उंदे कब्जे थां असला ते बरूद बरामद कीता। इनेंगी लोवर मुंडा थां इक नाके पर जांच दौरान फगड़ेआ गेआ। इंदे कब्जे थां 2 ए.के 47 रफलां, 4 मैगजीनां ते किश रौंद बरामद होए न। गिरफ्तार कीते गेदे इनें सहायके दी पंछान मंजूर अहमद भट्ट जेड़ा रशीद भट्ट दा पुत्र ऐ ते अल्ताफ अहमद लोन पुत्र अब्दुल लोन

दे तौर पर होई ऐ। इस सरबंथै च मामला दर्ज करी लेता गेआ ऐ ते
जांच कीती जा'रदी ऐ। होर ब्यौरे गी बलगेआ जा'रदा ऐ।

